

Kinguaassiutitigut atornerluisarnerit kanngutsaaliusiarnerillu ataatsimoorluni akiorneqassapput: Meeqqat Ikiortigit aammalu Pitsaaliuinnermut Isumaginninnermullu Sammisunut Aqutsisoqarfik kinguaassiutitigut kanngutsaaliusarnerit iliuuseqarfigiumallugit suleqatigiilerput.

Naalackersuisut kinguaassiutitigut atornerluisarnerit/kanngutsaaliortarnerit akiorniarlugit suliniutaata *Killiliisa-p* anguniagarivaa Kalaallit Nunaat toqqissisimanartoq kinguaassiutitigut atuinertuiffiunngitsaq/kanngutsaaliuiffiunngitsorlu. Periusissiamilu takuneqarsinnaavoq anguniagaq nunatsinni innuttaasut, ilinniarsimasut, politikerit NGO-llu siammasissumik suleqatigalugit anguniarneqassasoq. Suleqatigiinnissamik Naalackersuisut kaammattuutaat aallaavigalugu Kalaallit Nunaanni Meeqqat Ikiortigit aammalu nunatsinni Pitsaaluinissamut Isumaginninnermullu Sammisunik Aqutsisoqarfik suleqatigiilerput tamaviaarlutik suleqatigiissutigiumallugu kinguaassiutitigut atornerluisarnerit/kanngutsaaliusarnerit akiornissaat.

Kinguaassiutitigut atornerluisarnerit inuppassuarnut oqallisigissallugu paqumminartutut isigineqartarpoq. Taamaattumik suleqatigiinnermi anguniarneqarpoq atortussanik paasiuminarlutillu atoruminartunik ineriartortitsillunilu atuuttussaannortitsinissaq, pineqartut suunerinik paasiuminarsaataasunik. Tamannalu pissaaq ilaatigut atuagassiaqqanik, ukiunut assigiinngitsunut, soorlu meeqqanut inuusuttunullu, angajoqqaanut, oqartussaasunut, ilinniartitsisunut aammalu atornerluinermik/kanngutsaaliuinnermik pilersitsisunut 18-it inorlugit qaangerlugillu ukiulinnut, naleqqussagaasunik, pilersitsinikkut. Kalaallit Nunaanni Meeqqat Ikiortigit aammalu pineqartut iluini suliniutaasut iluini ilaassapput unnukkut sammisaqartitsinerit, atuarfinnut pulaarnerit, suliffeqarfinni ingerlatsiviusunilu saqqummiussuioortornerit kiisalu naatsumik fillimilortitsineq, pillugit kinguaasiutinut atatillugu immineq ataatsimoorlunilu qanoq killiliisinnaanerit.

Pitsaaliuinnermut isumaginninnermullu sammisut iluini Aqutsisoqarfik aammalu Kalaallit Nunaanni Meeqqat Ikiortigit suleqatigiissutigisaat meeqqanik kinguaassiutitigut atornerluisarnerit/kanngutsaatsuliortarnerit qanoq akiornissaat pillugit takorluukkanik anguniakkanillu imaqarput. Taamaattumik suleqatigiinneq illuatungeriinnit marluusunit tunngavissaqarluartutut siunnerfeqarluartutullu isumaqarfigigineqarpoq, soorlu atuagassiaqqat *Killiliisallu* quppersagaliaani imarisaasut siunnerfiusullu eqqarsaatigalugit. Aqutsisoqarfimmiimmi qanittukkat quppersakkatut saqqummiunneqartoq pillugu Meeqqat Ikiortigit-mi siulersuisuunerni siulittaasuusoq Jonna Ketwa oqarpoq: *"NGO-tut suliniuteqartuusuutut Meeqqat Ikiortigit-mit toqqaannartumik attaveqarfigisarpagut meeqqat, inuusuttut inersimasullu, taamatullu taaneqartutut ikioqatigiilluta suleqatigiinnikkut innuttaasunut, qanoq iliorluta meeqqanik atornerluisarnerit killilerlugillu unitsinnissaat pillugit oqariartuutaasut avammut siamarsatitersinnaalissavagut oqaloqatigiissutigisinnaalissallugillu"*.



Nuuk
16. januar 2020

Atuagassiaaqqat qulingiluaasut 2020-imi suliniutissanut allanut tapertanngorlugit ingerlaavartumik saqqummiussorneqassapput akeqangitsumik tamanit pissarsiarineqarsinnaasunngorlugit aammalu Kalaallit Nunaanni Meeqqat Ikiortigit-p nittartagaatigut takuneqarsinnaasunngorlugit. Anguniarneqarpoq Kalaallit Nunaata Meeqqat Pillugit Isumaqatigiisummi imm. 34-imik naammassinniarnernik ikorfartuinissaq, tassani naqissuserneqarmat, meeqqat kinguaassiutitigut atonerlunneqarsinnaanermut illersorneqarnissamik pisinnaatitaaffeqartut.

Sukumiineerusunik paasiniaasoqarsinnaavoq attaveqarfigalugu Meeqqat Ikiortigit-mi siulittaasoq Jonna Ketwa, oqarasuaat normu: 24 65 50



Meeqqat Ikiortigit
Red Barnet Grønland